

Piimäkuu
15. päiv
2023

Nummör
12 (540)

Leht mass 0,80 €

UMƏ LEHT

V A N A - V Ö R O M A A R A H V A U M A N K E E L E N L E H T

**Lennuki Urmas: veeremaa inemine hoit
uma esimuudu olõkiga mi kultuuri alalõ**

Kae lk 2

**Võrokõisi saatkund
Baltica perimüspidol**

Kae lk 3

**Lihahimolidsõ mehe
panni toimõ kuritüü**

Kae lk 4



RAHMANI JANI PILT

Mürgü Marje pistüjalapull kõnõlõs keelest ja võlssi arvosaamisõst. Minevä riidi oll' Krabi kõrtsin vahtsõ võrokeelidse pistüjalapullil (stand-up) «#paganamaamann» edimäne mängmine. Pikäaolinõ Krabi külätiaatri vidäjä ja näütemängukirotaja Mürgü Marje om kirja pandnu ja kand ette juhtumiisi umast elost ja tuust, kuis põhaeestläse võro keelest võlssi arvo saava. No vastas Marje mõnõlõ vahtsõt tükku pututavalõ kūsümisele.

Miä om hāsstāg? Ma ei saa kah täpsele arru, mis om hāsstāg, kas trelli vai midägü muud. Tuu om mooduasi ja ma taha kah moodun olla. Ku ma nakka hinnāst tutvustama, et Mürk Paganamaal, sis tuud kiāki ei usu. #paganamaamann tunnus mooduperāne. Paganamaal ma elā, Mannis minnu kutsutas, nii et midägü võlssi ei olõ.

Mille Sa säändse tükü kirotit? Ku Tagametsa Tarmo tuu edimādse pistüjalapullil tekk, ma kai, et maru hāā mõtõ, kõik jo tegevā stānd-appi. Ma haud-sõ taad tükü aigu: olõ elun pallu kokku putnu tuuga, et põhaeestläne saa võrukõsõst umbõ võlssi arru. Sis mõtligi, et pidānū määndsitki sõnnu seletā-mā, sis vast ināmb ei saia väega võlssi arru vai jāās midägü miilde. Võru kiil om ka pōra kõigil hambidõ vahel. Mōni ütles, et ei saa taad kiilt vāllā kannā-ta. Tuu ai mul harja verevās. Et mille ti ülepāā arvati, et ma pidānū eesti kiilt mõistma? A näet, mõista ja ei hādāidā.

Kas taad tükü latsil kah kaia kõlbas? Ōga asja man arvatas, et vajab vanemlikku selgitust. A seo tükü man tuu latsõvanõmba seletāmine kah ei avita. Periselt latsõ tiidvā noid nellā tēhega sõnnu rohkõmb, ku ma ülepāā mõista vāllā mõtõlda. A vahepāā tulõ mõni asi vāllā kah üteldā ja ku latsõvanõmb arvas, et latsi ei tohe noid sõnnu kuulda, kuigi nigunii tiid, sis innem-bā ma ei soovita.

Kuis esietendüs ja prooviesietendüs lätsi? Kuna ināmbjagu kaejit oli Talna inemise, sis keelebarjäär oll' suurõmb, ku ma arvssi. Tuu oll' mu jaos üllätüs. Pallu asju perān vāllān kūsüti, pidi üle kõnõlõma ja tõkma. Tuud olõs võinu kõrraga kah kūsü, a nā mõtli, et pūüne pāā olõjat ei tohe sekā. Ega tuu ei olõs minnu segānū, ma olõs hāā meelega seletānū. Umast arust ma seleti niigi pallu ja tõlksõ, a tull' vāllā, et olõs pidānū rohkõmb. Pāāproovil arvati, et umbõ hariv ollõv ollu.

Mille pidānū Sinno vahtsõ tüküga esinemā kutsma? Hindāmümine om moodun, a mullõ tuu asi väega ei istu. Minnu ei piāki kutsma, a iks võit. Kiā taht, kutsku julgõlõ, äkki tulõgi!

Küsse RAHMANI JAN

Antsla meistride päiv om pühendet liikmisaastalõ

Pühäpäävā, 18. piimākuul kellā 13–16 peetas Antslan meistride päivā. Sāānest päivā, kon uma kandi käsitüü- ja söögimeistri uma kraami vāllā toova, peetas joba sāitsmes kõrd ja timahava om tegemiisi rõhk liikmisel.

Plaanin omma ratta-orientiirümine, vibulaskminõ, ütids tandsu, mitmõsugumad-sõ tüütārõ ja võistlusõ.

Teedüst päävā kotsilõ saa aadrõssi facebook.com/meistritepaev päält.

Harglõn peetas Läti-Eesti perimüspito ja tandsuklupi

Iispäävā, 19. piimākuu õda-gu kell 20 tulõ Harglõ maakultuurimajan Läti-Eesti perimüspido ja tandsuklubi. Läti perimüst ja tandsõ näütās ansambli Rudzupuke Smiltenest. Eesti ja ka muiõ rahvidõ

tandsulugusiid saat Harglõ folkbänd. Ütenkuun katõtas pidolaud ja pillimehe võiva vaba lava pāā üles astu.

Rõugõ vallon nak-kas vahtsõst pāāle külāülikuul

Joba kolmandat aastakka peetas Rõugõ valla esi paigun suvist külāülikuuli. Huvilidsõ saava tõsõpāävā õdagu kokko mõnõn esierālidsen paigan, kon pererahvas näütās ummi tege-miisi ja pidā loengu minkastki põndõvast.

Seo aastak alostas külā-ülikuul 20. hainakuul Rõugõ kerigu man, kon Mõldri Maidu ja Raju Terje jututeema om «Gümnastika vaimule ja ihule». Et teema om esierāline, saias kokko kell 23 ja kõnõldas ka pāält süüü. A tõsõ seosuvidsõ loengu peetas õdagu kell 19. Ligembāt teedüst saa internetilehe facebook.com/Rougekylaylikool/ päält.

UL

Laat Ihamaru kõivõ all

RAHMANI JAN

Puulpäävā, 10. piimākuul peeti Ihamarun küm-nendāt Kõivualutsõ laa-ta. Ja kuigi timahava om Postitiis kutsutu vana Võro-Tarto tii pāā mitu silda remondin, tulliva nii müüjä ku ostja ilostõ paiga pāāle ja laat läts ekā-muudu kõrda.

«Ma olõ peris rahul ja väega hāā ilm oll'» seletās laada-päävā kõrraldamisõ vidäjä Täpsi Aivar. «Oll' kül seletāmist ja sekeldāmist tuuga, et sild om kinni, a paistus, et kõik, kes tahtsõ, saiva tulla. Kümme aastat om rahvast taa laadaga harõtõt kah.»

Mille müüjä ja ostja seo laadu pāāle tulõva? «Olõ saanu säänest vastakostust, et seo om nigu kevjäne Lindora laat. Müüjile ja ostjilõ miildüs taa meele-olu. Oldas varoilidsi puio all, inemise saava tiiviirt pite jalota ja om hoobis tõistmuudu tunnõ ku mõnõ platsilaada pāāle,» kõnõlõs Täpsi.

Nii oll' ka timahava hulga rahvast kokko tulnu. Pāält ostmisõ sai kaia-kullõlda kultuuriprogrammi: üles asti Kanepi karmoskamāng-jā, rahvamuusigaansambli Suits ja Kool. Vahepāā kõnõli ummi tähelepandmiisi laadust Laheda muti, kiā omma perāmāidsil aastil saanu piaaigu Kõivualutsõ laadapāävā maskotõs. A suurt herevüst teküf ka puukujjõ oksjon.

Puukujjõ oksjonilõ oli pantu vikursaagjidõ laagrin «Postitee puupäevad» valmis meisterdedü kujo.



RAHMANI JANI PILDI

Nigu laato pāāle iks kombõs, saiva huvilidsõ laskõ hinnāst hobõsõga sõiduta.



Laheda muti umma etteastmist uutman.

Tego om tõist aastat säälsaman Ihamarun peetävä kolmõpāävādse laagriga, kon nii alostaja ku edesijõudnu vikursaagmisõ huvilidsõ saava oppi puukujo tegemist ja noid opmisõ käugin ka valmis meisterdā. Üte valmissaanu puukujo and egā osalinõ Kõivualutsõ laadapāävā oksjonilõ.

Oksjon läts ka timahava kõrda ja kõik kujo löüdsevā hindāle vahtsõ umanigu. Kõgõ kallimbat hinda masti suurõ mõtsapingi iist: tuu müüdi maaha 1850 euroga.



Puukujjõ oksjon.

A miä and jõudu Postitiitii pāāle suuri üritüisi kõrralda? «Ma elā tan! Ja tunnõ, et Postitiitii kõüt nigu ütids jõdõna naid inemiisi, kiā tan veeren elāse. Seo om rahvas, kiā tund rõõmu ütenkuun tegemisest. Nii om ka Kõivualutsõ laadapāävā kõrraldamisõ man joba selge, kiā midā tege. Väega hāā kuuntüü om seo kümne aastaga tegünū,» löüd Täpsi Aivar.

Postitiitii ja tuu kandi tegemiisi kotsilõ saa ināmb teedüst internetiaadrõssi postitee.ee päält.



Ansambli Suits ja Kool.

Vahtsõlinast saa nädälivaihtusõl laadaliin

17. ja 18. piimākuul peetas Vahtsõliinan 27. maarahva laatu. Pāält suurõ müügipido saa laadu pāāle kaia ja kullõlda hulga etteastmist ja näütüisi.

Erāle keelekastmisõ uulidsa pāāle omma välān käsitüüjuukõ tegijā, kogokunnauulidsa pāāle pakva paigapāälidse seldsi ja talo umma talokraami. Vahtsõliina piirkunna põllumehe toova näütüisele uma vana ja vahtsõ põllutehniga. Tulõ ka rammumehe ja rammunaasõ võistlus ja nii suurõ ku latsõ pidävä maaha kablakakmis-võistlusõ. Viil saa kaia pinne-näütüst.

Mõlõmbal päävā kää laadulava pāāle kultuuriprogramm, kon timahava andva liss paigapāälitsile tegijile tuuni mitmõsugumāidsi rahvuskultuurõ seldsi. Väliskülälise omma tandsja Lätimaalt Gulbenest.

Tõist aastat om laadu pāāle ka erāle latsiala, kon meisterdedās, māngitās ja tsehkendedās. Timahavanõ vahtsõndus om tuu, et tetās ka latsi uma laat, kon latsõ saava kaubõlda hindā tettü söögikraami ja käsitüuga. Täpsempä laadu kavva saa kaia internetist lehe maarahvalaat.ee päält.



PILT KODOLEHE MAARAHVALAAT.EE PÄÄLT

Pilt minevāaastadõ Vahtsõliina laadu pāält.

UL

